



MODELO SILVÍCOLA	SPN (silvicultura próxima á natureza).
ESPECIE:	Masas (principalmente xénero <i>Quercus spp</i>) consolidadas de frondosas autóctonas e outras formacións de frondosas.
OBXECTIVO:	Persistencia, produción múltiple e conservación da biodiversidade en masas consolidadas de frondosas autóctonas mediante silvicultura próxima á natureza.
DISTRITOS PREFERENTES DE APLICACIÓN: Todos os distritos forestais. Formacións de frondosas capitalizadas e con arborado de potencial comercial presente ou futuro.	

REXENERACIÓN	
Densidades	Formacións procedentes de rexeneración natural (>3.000 plantas/ha nos bosquetes en rexeneración). Arborado adulto de densidade e fenotipos axeitados para dar lugar a produtos comercializables sen necesidade de intervencións de enriquecemento. Método de beneficio de monte alto.
Mantemento	Rozas selectivas nos bosquetes en rexeneración, a modo de axuda á rexeneración natural ata a etapa de monte bravo. Rozas perimetrais con zonas de matogueira para facilitar rexeneración e reducir o risco de incendio forestal. En estados de bastío e alto fuste, evitarase a redución de diversidade do sotobosque por aplicación de roza, salvo rozas de especies heliófilas en áreas de ecotono con matogueiras.

TRATAMENTOS SILVÍCOLAS	
Podas	En xeral non serán necesarias. Posible aplicación de poda de formación, poda baixa e poda alta ata 5 m dun número reducido de árbores/ha.
Cortas de mellora e de rexeneración	As intervencións serán de mellora e rexeneración ao mesmo tempo (sistema selectivo ou de entresaca por grupos ou bosquetes). Rotación de cortas de 5 a 10 anos, actuarase simultaneamente en todas as clases de idade da masa. Peso de cada intervención inferior ao 20% dos pés inventariables. Reserva sen apeo de pés sementeiros, de gran copa e bo fenotipo, representando todas as especies de interese, para asegurar a rexeneración continua.

CORTAS DE REXENERACIÓN E CONSERVACIÓN DE HÁBITATS	
Conservación de hábitats	Asegurase a conservación dos valores ecosistémicos e ambientais e da diversidade. Dentro de Rede natura 2000, estarase ao indicado no Plan Director da mesma.
Idade de corta	Non é necesario fixar unha quenda por non buscarse un sistema de xestión rotacional, senón de cuberta forestal continua. Reservarase árbores á corta, distribuídos tanto individualmente como en grupos.
Cortas de rexeneración	Entresaca por grupos de pés ou por bosquetes, que manteña unha estrutura irregular a nivel de todo o rodal. Tódalas intervencións buscarán a apertura de ocos no dosel de copas por corta de madeira grossa aproveitable. Aplicación preferente de saca por cableado dende pista.

